

OSYRIDIS allegoriam alibi, nempe in i.lib. Hieroglyph. ad suam veram originem, quæ Chymica est, reduximus & plenariè explicavimus. Quocircum hinc eadem repetere (quamvis eadem de iisdē dicidebeat) supervacaneum arbitramur. At nihilominus discursum hic instituemus parallelum, q̄ intra carceres Antiquæ Chymiæ (quæ tota poëtis decantata & figurata est) semper versabitur & manebit. Osyridem tu mihi Deum, aut regem Ægyptium persuadebis? Non credam, etiam si persuaseris, ut credam: Longè aliter enim canes, longè aliter (ut est in proverbio) sues olent: Deum planè nego, & tu mihi assentiēris, nisi sis Ethnicus aut distortæ à recta ratione opinio- nis. Regem nec fuisse, demonstratur ex circumstantiis omnib. quæ alibi considerantur: Solest, sed Philos. cuius nomen cùm illi passim attributum legatur, vulgares, qui nullum alium nisi mundanum il- lud lumen neverunt, pro eo interpretatis sunt. A sole mundi sol Philosophorum denominationem habet, quia proprietates naturæ ab illo sole coelesti descendentes, aut ei convenientes, continet. Solita- que Osyris est, Dionysus, Bachus, Jupiter, Mars, Adonis, Oedypus, Perseus, Achilles, Triptolemus, Pelops, Hippomenes, Pollux. Luna verò Isis, Juno, Venus, mater Oedypi, Danaë, Deidamia, Atalanta, Helena: Item Latona, Semele, Europa, Leda, Antiope, Thalia. Atq; hæ sunt compositi partes, quod ante operationem lapis dicitur, & nomine omnis metalli, Magnesia: post operationem, Orcus, Pyr- thus, Apollo, Æsculapius. Adjuncta sunt, Typhon, Python, Aper: Artifex Hercules, Ulysses, Jason, Theseus, Pyrrhous: Labores & pericula innumera, quæ ab his artificibus exantata fuere. Videan- tur Herculis labores, Ulyssis errores, Jasonis pericula, Thesei cona- tus & Pyrrhoi remoræ. Magnum hoc est materiae & doctrinæ volu- men, per quod Vulcanus, Mercurius & Saturnus omnibus paginis currunt & recurrunt, hic ut pater omnium & causa, sine qua non, ille, ut materia & forma, iste, ut efficiens. Solducit fororem lunam in u- xorem. Jupiter Junonem, ut Saturnus Rheam, & Osyris Isidem: Dionysus ex matre Semele combusta fulmine Jovis eripitur imma- turandus in femore Jovis patris, Æsculapius ex Coronide matre:

Diony-